

KHUTBA JUMMAH

HADHRAT MUHYI-UD-DIN AL-KHALIFATOULLAH

Munir Ahmad Azim

29 Mai 2015 ~
(10 Shabaan 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:

Alhamdulillah Summa Alhamdulillah, mo Rab fine donne moi à nouveau le *Tawfiq* pour contigné lors le même sujet de mo Khutba Jummah Vendredi dernier.

Alors, couma l'islam enseigne nous, nous bizin mette l'aksan lors bane droits de bane pauvres parski nous bizin considère zot couma nous bane frères. De ce fait, faudé pas ki ene dimoune li privé de saki li fine gagné (honnêtement) kan li mette en exécution, en pratique so bane talents. La compétition, ki le résultat d'ene divergence dans bane talents et bane capacités, li essentiel pour le progrès du monde; mais bane ki en possession de la richesse d'ene nation zot ena le devoir pou attribuer, pou servi ene partie de sa richesse là, ki fixé par l'islam, pour le bien-être de bane pauvres, et pour servi ene balance pour bane objets d'utilité publique au lieu ki pour satisfaire zot propre désirs personnels; c'est-à-dire, ki zot bizin préfère le bonheur ki gagné kan distribuer sa richesse là (avec bane pauvres et bane ki moins fortuné) pluto ki fausse bonheur ki gagné kan ramasse bane richesses ou bien kan dilapide zot (c'est-à-dire, sa bane richesse là).

Bane l'enseignements de l'islam zot unique concernant sa sujet là. L'islam reconnaître et respecté le principe de propriété privé, mais li reconnaître également ki personne pas capave vine riche sans ene contribution de travail de bane les autres, et li (l'islam) ordonne donc d'ene façon bien claire ki lors richesse de bane riches, le gouvernement bizin mette ene partie de côté et li faire so bane dépense pour le bien-être de bane pauvres en compensation de contribution ki bane pauvres apporté vers so production. L'islam ordonne également à l'État le devoir pou accorde à tous so bane habitants tous bane nécessités ki zot bizin pour vivre et aussi pour accorde zot bane moyens pour ki zot gagne l'instruction, l'éducation.

En séki concerne bane relations internationales, zamais pou capave mette zot lors ene base satisfaisant ziska ki nous rende nous compte ki bane nations et le gouvernement zot autant soumi à la domination de la moralité ki bane dimounes. En effet, la plupart de bane différends (différences et problèmes) au niveau international zot le résultat d'ene fausse doctrine ki dire ki soi-disant bane gouvernements zot pas ena le devoir pou conforme zot à la norme morale pareil couma tous dimounes. Pour la paix du monde, li nécessaire ki bane sujets de sak l'État coopéré avec zot bane gouvernements respectifs. Faudé pas ena kit objection dans le fait ki zot prend bane mesures pour exige et sauvegarde zot bane droits, mais kan zot faire sa, zot bizin maziné ki faudré pas zot adopté ene ligne de conduite ki calculé pou troubler la paix publique ou pou alle contre l'autorité du gouvernement, ou ki condamnable d'ene point de vue morale.

Tant ki ena bane dimounes ki croire sincèrement dans ene la religion ou ene l'autre, et le monde li pas composé exclusivement de bane dimounes ki servi la religion couma ene manteau pou enfilé pour bane cérémonies, alors bane différences en matière de la religion zot inévitable. Véritable harmonie pou établi seulement kan le monde, ou la majorité de so bane habitants, pou uni par limitations d'ene la foi commun (en l'occurrence, l'Islam).

Pour apporte la paix, par conséquent, dans l'univers, mo fine proclamé ki Allah (twa) fine envoie moi, pour ki, à travers moi, bane dimounes capave réuni sous bannière d'ene seul la foi et trouve de sa façon là, la paix extérieure et intérieure. Même si, actuellement bane dimounes zot pas encore réuni en ene seule religion, c'est-à-dire l'Islam, ki représente vrai la religion et mode de vie pour l'homme, mais toutefois, afin pour assure l'amélioration de bane conditions actuelles de bane dimounes, de bane religions et la société en générale, ena quelques suggestions ki mo pé mette devant zot, ki, si sa zot respecté, alors zot pou fer ene très grand différence dans le monde:

1. Faudé pas mentionne bane fondateurs et dirigeants de bane différents religions dans ene façon ki capave offense sensibilités de zot bane disciples et suivants.
2. Dans la propagation de la religion, bane missionnaires de sak religion bizin limite zot à ene explication de bane beautés de zot la religion et faudré pas zot attaque bane les autres religions. Parski sa z'affaire pou rode défauts dans bane les autres religions li pas prouve en aucaine façon la vérité de zot propre religion. La vérité d'ene religion pou capave seulement être établie kan zot fer référence à supériorité de bane l'enseignements de zot propres religion et non pas par faire référence à bane manquements de bane les autres religions.
3. Bane adeptes (suivants) d'ene religion faudé pas attribuer à zot religion ene doctrine ou ene l'enseignement ki pas trouve directement dans zot bane écrits. So doctrine et so preuve tous les deux bizin fine cité dans le livre de la religion ki fine révélé là. Sans ene respé strict de sa principe là, aucaine décision correcte à l'égard de la vérité d'ene religion pou vine possible. Parski, en l'absence de telle restriction, le monde pas pou dans la capacité pou découvert si bane l'enseignements attribués à ene religion en particulier zot trouve dans bane écrits saints de la

religion ou si pas sa bane l'enseignements là, fine gagne sa seulement à partir d'ene l'étude de bane les autres religions ou ki sa bane l'enseignements là zot seulement ene reflé de la pensée actuelle de l'époque en question. Si bane partisans de sak religion ti mette en avant bane l'enseignements de zot religion, si zot ti mette en avant le livre révélé de sa la religion là en question, et si zot ti soutenir sa bane l'enseignements là par bane arguments ki tiré de sa livre là, alors le public ti pou capave facilement trancher entre bane revendications de bane différents religions, et la vérité alors ti pou vine claire pli vite. Péna aucaine doute là-dans ki, si Allah révèle ene religion pour guide nous, alors sa la religion là bizin en li-même contenir tous bane principes nécessaires et aussi bane arguments à l'appui de sa bane principes là, car autrement sa la religion là, au lieu ki li vine ene aide pour nous, li ti pou au contraire bizin de nous l'aide pour prouve so véracité.

4. Bane avocats (supporteurs) de bane différents religions faudé pas efforce zot pour donne seulement ene explication abstré de bane l'enseignements de zot religion, mais aussi pour illustrer en pratique bane résultats ki capave obtenir kan zot mette sa bane l'enseignements en pratique, afin ki bane dimounes capave en mesure pou juger si pas sa bane l'enseignements là conduire oui ou non à ene résultat kik-konque. Si bane propriétés d'ene médicament capave être démontré par l'effet ki li produire lors ene maladie en particulier, ki faire alors la nature de bane l'enseignements d'ene religion pas capave être démontré par ene référence à la relation ki zot réussi établir entre dimounes et Allah ?

Mo fine mentionne aujourd'hui seulement quelques l'exemples de bane l'enseignements de l'Islam ki fine établir pour promouvoir la paix et l'amitié. L'Islam présente même ene conseil international et li fixé bane principes ki agir comme baze lors quoi li bizin fondé. Ene l'examen de sa bane principes là pou amène zot tout pou conclure ki aucaine conseil international pas pou capave travaille efficacement sans sa bane principes là. Le respect de bane l'opinions, de bane façons de pensée et de bane croyances religieux de bane les autres, li essentiel, et kan sa bane principes là, tel couma fine prescrire par l'Islam zot exécuté, en vérité, bane voiles de doutes ki placé devant lizié lé monde, ki devant lizié de sak religion pou tombé et la vérité de l'Islam pou révélé. Parski l'Islam c'est la perfection de la religion à travers bane siècles. Li ene telle religion ki valide l'authenticité de sak religion ki ti recevoir comme mentores et guides bane dimounes ki Allah (twa) Li-même fine choisir pou envoyer pour ki zot prend en charge la religion et pour ki zot établir la paix et l'harmonie entre bane différents races de nations à travers le temps.

Par conséquent l'Islam consolide bane l'enseignements précédents et annule bane l'enseignements ki fine fabriqué (par la main de l'homme) et li (l'Islam) établir bane bons moralités pour ene société et bane dimounes ki justes sous so bannière et guidance, si seulement bane dimounes ti prêt pou faire bane voiles de l'ignorance tomber et laisse so la lumière pénétrer zot les cœurs, conscience et vision! *Insha-Allah*, ki Allah permette ki sa bane voiles là tomber et ki la lumière de la vérité rétablir enfin, afin pou provoque ene révolution spirituelle pour l'amélioration de la race humaine lors la terre. *Insha-Allah, Ameen.*